

Mans Winterkamerjasse
Baie beperkte voorraad.

£4/17/6 elk.

Die Eikestadwinkel

(Edms.) Bpk.

PLEINSTR., STELLENBOSCH

DIE Matie

STELLENBOSSE STUDENTEKOERANT. ORGAAN VAN A.N.S. - T. UNIVERSITY LIBRARY.

VILJOEN

se fietswinkel sal u fiets

net. Dele is skaars maar ons

doen nog ons bes.

* ONTMOETING 31 MAR 1949
in Pleinstraat
Net langs Suikerbosse.

UNIVERSITY LIBRARY.

Gedruk deur Pro Ecclesia-
Drukkery en uitgegee deur
die A.N.S.-Tak Stellenbosch

DEEL IV, No. 9.

VRYDAG, 5 MEI 1944.

PRYS 1d.

Puik Atletiekbyeenkoms Môre Op Coetzenburg

Vier Universiteite Ding Mee

„Ons Atletiek terwille van ons Atletiek”

Môre vind die derde byeenkoms gereël deur die Afrikaanse Studente-Atletiekbond plaas op Coetzenburg. Dit belooft om net sulke puik atletiek te lewer as al die vorige byeenkomste wat hierdie seisoen op die Stellenbosse baan beslis is. Vandat die Dalrymple-byneekomste as gevolg van die verbreking van betrekkinge met U. Witwatersrand deur Stellenbosch, U.P., P.U.K. en U.K.O.V.S. van die baan is, het die Studente-Atletiekbond daarin geslaag om die Afrikanerstudente mekaar ook op die sportterrein te laat vind.

Die Afrikaanse Studente-Atletiekbond is aan die einde van 1941 gestig toe deur 'n aantal atletiekgeesdriftiges op P.U.K. gevoel is dat die verdwyning van die tradisionele Dalrymple-byeenkomste nie oorsaak behoort te wees dat daar geen inter-universitêre kompetisie sou plaasvind tot tyd en wyl die Wits-kwessie opgelos is nie.

In die stigting van die Atletiekbond het die A.N.S. 'n leidende aandeel geneem, omdat die organisasie gevoel het dat so 'n Atletiekbond in 'n definitiewe leemte kan vul wat daar bestaan het in die Afrikaanse sportwêreld. Omdat A.N.S. orals waak op al die volksterreine het dit ook hier die leiding en inisiatief op hom geneem in die stigting en bestending van die werksaamhede en doelstellings van hierdie suiwer Afrikaanse bond.

DEUR BAIE MOEILIKHEDE

Die Atletiekbond het in die begin onder moeilike omstandighede gebuk gegaan, aangesien daar verskillende sake was waarmee Stellenbosch b.v. nie saamgestem het nie. Daarom het die eerste twee byeenkomste ook plaasgevind sonder dat U.S. amptelik 'n span ingeskryf het. Na onderhandelings oor en weer aangeknop is, is uiteindelik daarin geslaag om tot 'n ooreenkoms te geraak. Die Afrikaner-studente het mekaar gevind, en ten spyte van moeilikheide kan 'n eie Afrikaanse atletiekbyeenkoms vanjaar op Coetzenburg plaasvind.

Soveel opgang het die Atletiekbond gemaak, dat ten spyte van die feit dat U.K. nie amptelik aan die byeenkoms kan deelneem nie, daar tog vanjaar 'n paar atlete van genoemde universiteit op die baan gesien sal word. Dit behoort die byeenkoms soveel interessanter te maak aangesien hierdie paar atlete van die uitstaandes vandag in die land is.

VORIGE BYEENKOMSTE

Die eerste byeenkoms van die bond is gehou op Bloemfontein, toe U. Pretoria die eerste wenners van hier-

die kompetisie was. Verlede jaar het dit op Potchefstroom plaasgevind. By hierdie geleentheid het die Tukies weer die kroon gespan met 66 punte teenoor P.U.K. se 28 punte. Stellenbosch wat verteenwoordig is deur slegs drie atlete as gevolg van vermoëlikhede, het nietemin uitstekend vertoon en die derde plek gevul met 23 punte op die telbord.

Die uitdunne begin om 10.30 v.m. en die finale neem 'n aanvang om 2.15 n.m. stiptelik. Die byeenkoms verdien die ondersteuning van elke Matie-sportliefhebber, en behoort dan ook toeskouers selfs uit die Skiereiland te trek, aangesien U.K. ook deelneem.

Boodskap van die President van A.K.U.S

Namens die Atletiekklub van ons Universiteit 'n woord van hartlike verwelkoming aan ons vriende van die Noorde wat vandag hier aankom om deel te neem aan die derde byeenkoms van die Studente-Atletiekbond.

Waar daar aan die begin by die stigting van die Bond ernstige verskille van mening was wat die konstitusie van die Bond betref, kan egter nou konstater word dat die geskille wesentlik uit die weg geruim is. Ons leuse is en bly: *Ons Atletiek terwille van ons Atletiek; ons Rugby terwille van ons Rugby.* Ons Sport terwille van ons Sport. So lang as wat die Bond hierdie beginsel handhaaf, kan hy op die ondersteuning van ons klub reken.

Ons verheug ons oor die ooreenkoms wat bereik is, en dit is dus vir ons klub 'n voorreg en genot om die byeenkoms vanjaar hier op Stellenbosch te reel. Ons kan dan ook met opregtheid aan ons vriende toeroep: *Welkom hier in ons Eikestad — mag jul paar dae hier baie aangenaam wees en mag ons jul goed op jul baadjie gee op die baan!*

E. T. STEGMANN.

KOOP DIE „WAPENSKOU.”

Wapenskou se Nuwe Hoogtepunt A.N.S.-orgaan en die Student

A.N.S. EN BELEIDSTUDIE

Soos elke Stellenbosse student seker weet, redigeer die A.N.S. op die oomblik twee blaaië. *Die Matie* is die weeklikse orgaan van die plaaslike A.N.S.-tak. *Wapenskou* is die amptelike studieblad van die A.N.S., en staan onder die beheer van die A.N.S.-hoofbestuur. Daar word vertrou dat elke Stellenbosse student en ander belangstellendes onder die algemene publiek met die jongste nommer van *Wapenskou* persoonlik sal kennis maak. Hierdeur sal hulle in geleentheid gestel word om met die algemene toon en rigting van die A.N.S. se beleidstudie vertrou te raak.

In die Aprilnommer van *Wapenskou*, die eerste nommer van vanjaar, is daar baie stof wat elke student behoort te interesseer. Die volksbewegingsbegrip word verder uitgebou deur die betekenis van die musiekwese en die boukuns in die volksverband na te gaan. Mnr. Ernst Schutte, seker die bekendste en een van die mees gewilde radio-omroepers in die tyd wat hy aan die radiodienste verbode was (hy het om „onverklaarbare” redes sy ontslag in 1942 ontvang), is vir die artikel oor *musiek in die volkslewe* verantwoordelik. Musiekliefhebbers moet die kans nie laat verbygaan om die opinies wat mnr. Schutte oor die toekomsrigting van musiek in die Weswêreld uitspreek, na te gaan nie. Volgens mnr. Schutte is daar vandag slegs 'n keuse tussen 'n terugkeer tot musiek wat op die volksbodem ontkiem, en die wanskape, Wes-Afrikaanse gedrog, wat as die produk van die moderne musiekbeleving wil poseer.

Mnr. Wynand H. Louw, die bekende Afrikaanse argitek, en mede-ontwerper van die Ou Mutual se praggebou in Kaapstad, dra sy deel by met 'n artikel oor „Die Ontwikkeling van 'n eie S.-Afrikaanse Boustyl.” Dis genoeg gesê as beweer word dat 'n vakdeskundige in hierdie artikel aan die woord is.

Prof. dr. J. Chr. Coetzee, die P.U.K.-opvoedkundige, bespreek die nasionale onderwyskwessie in die tweede van sy reeks artikels oor hierdie veelbesproke en uiters kontensieuse aangeleentheid. Opvoedkundige studente sal ongetwyfeld baie stimulerende gedagtes hier teëkom.

Ander artikels is dié van prof. L. J. du Plessis oor „Volkspolitiek en Volksbeweging,” adv. J. de Vos oor „Ons en die Revolusie,” mnr. P. C. Coetzee oor „Die Werk van die Bibliotekaris,” en mej. Hugo oor „Die Mag van die Staatspresident in die Kruger-republiek.” Stellenbossers sal veral belangstel in dr. J. M. le Roux, van die plaaslike ingenieursdept., se artikel „Die Mens se Plek in die Uitsettende Heelal,” en oudregter C. L. Botha se waardevolle bydrae oor genl. Hertzog se lewe. Regter Botha was 'n klasmaat

van genl. Hertzog, beide op Stellenbosch en in Holland, en verskaf waardevolle inligting wat nie in C. M. v. d. Heever se boek voorkom nie.

A.N.S.-studente word aangeraai om te help om *Wapenskou* in 'n breër kring bekend te stel. Persone wat op die blad wil inteken, moet dit doen by *Die Uitgewers, Wapenskou, Bus 28, Stellenbosch.* (Die in-tekgeld is 5/- p.j.). Enkel nommers van die blad kan by die C.S.V.-Boekhandel gekoop word.

B.T.K.-GESELSKAP IN ONGELUK

Nadat hulle die heeldag deur op die Pieke rondgeklim het sonder 'n skrapie op te doen, was 'n twintigtal mans-studente Saterdagmiddag die slagoffers van 'n sonderlinge ongeluk in Jonkershoekweg.

Dit blyk dat die lorry, waarop die bergklimmers teruggevoer is na Stellenbosch vir 'n motor, wat skielik van 'n systraat ingedraai het, uitgeswenk het. Die traliewerk om die passasiers, wat almal in 'n staande posisie was, het meegegee en twintig mans het in die harde teerpad beland.

Vyf is dadelik na hospitaal vervoer maar slegs een, R. Zaayman, is aangehou. Laasgenoemde verkeer tans onder spesiale behandeling in die Volkshospitaal in Kaapstad met beserings aan rug en arms.

KUNSWEDSTRYD

Die beoordeling van die Afdelings Voordrag, Musiek en Volkspele vind plaas tussen 8 en 20 Mei. Alle deelnemers moet vanaf 8 Mei gereed wees vir die toetse. Teen betaling van 3d. kan enige deelnemer na afhandeling van die betrokke beoordeling, 'n kort geskrewe kritiek oor sy optrede of werk bekom indien sodanige kritiek beskikbaar is. In die reël word klasse vir skoliere in die oggend en namiddag beoordeel, en ope klasse in die agtermiddag en aand.

Teen betaling van 6d. mag enigeen die beoordeling van bogenoemde Afdelings bywoon.

KOM BESOEK ONS en laat al u bekommernisse wegsmelt
saam met ons smaaklike geregte in
DIE UITSPAN

DIE EIKE KAFÉ
 Onder persoonlike toesig van
 (Mnr. en Mev. van Zyl)
 SIGARETTE en TABAK
 SJOKOLADE en GEBAK
 VARS VRUGTE
 en
 GROENTE
 LIGTE ETES ALLE URE!
 In ruil vir u gewaardeerde
 ondersteuning waarborg ons u
DIE BESTE DIENSTE

Skeer-Lemmetjies
 Pakkie van 5, 9½d,
 In karton-dosies van 20
 pakkies van 5 lemme-
 tjies elk, 15/10
HORLOSIES
 Ons het 'n wonderlike
 keuse van beste en ge-
 waarborgde Switserse
 Armband-horlosies
 VANAF £1-1-0 TOT £7-0-0
R. MÜLLER
 (Eiens.) Bpk.
 Pleinstraat, STELLENBOSCH.

ONTHOU die
Marga'et Morris-Beweging
 Saterdag, 20 Mei 1944
 Plekbespreking by C.S.V.-Boekhandel

APTEKERS
 Ons bied u deskundige
 bediening en betroubare
 medisyne aan.
JOERNING en SEUN
 (Eiens.) Bpk.
 Hoek Bird- en Pleinstraat,
 STELLENBOSCH.

Die Plaza
 Foon 0013.
Background to Danger
 GEORGE RAFT
 Vrydag en Saterdag
 5 en 6 Mei
 Matinee: Saterdag om 3 n.m.

Darters
 Pleinstraat, Stellenbosch
 Vir waarde in
 * Boeke
 * Skryfbehoeftes
 * Kunsmateriaal

DIE MATIE
 Alle Korrespondensie aan:
 H. S. MARAIS,
 HOOFREDAKTEUR,
 Dagbreek.
 Korrespondensie i.s. Inskrywings
 aan:
 Die Matie Administrasie,
 Posbus 28,
 STELLENBOSCH.
 Deel IV. 5 Mei 1944. No. 9.

Die Afrikanerarbeider en Afrikanerstudent

Dit is 'n bekende feit dat in die soort samelewing waarin ons nou leef, daar 'n wye kloof tussen die werkende en die studerende Afrikaner is. Die student beskou homself as lid van 'n stand wat 'n baie groot aantal sporte hoër as dié van die arbeider is. In sy sosiale vereensaming is die arbeider dus geneig om nie meer die volkswaardes so sterk op die voorgrond te stel nie. Hy voel afgesny van die kulturele en maatskaplike lewe wat op ons universiteite en kolleges die blywende voer. Hy begin die ideaal van 'n soort arbeidswêreld, waarin net die stoflike waardes van die lewe voorrang geniet, na te streef. Daarom dat die Kommunist met sy idee van 'n klaslose werkerstaat so sterk ingang vind. Die Afrikanerarbeider het vandag so min voeling met die kulturele en volkspolitiese sy van die Afrikanerdom dat hy bereid is om selfs met die Joodse vakunie-leier en die nie-blanke mede-arbeider sy lot in te werp. In die vakuniestryd kan enigeen deelneem, afgesien van ras, kleur, afkoms, geestesoorlewerings, e.d.m. Al wat die Kommunist vra is lojaliteit teenoor die anargistiese leuse van 'n algemene werker-revolusie. Die Kommunist is dus verstandig genoeg om aansluiting te soek by daardie fundamentele drang wat daar by elke mens is, nl. die drang na die beveiliging van jou ekonomiese bestaan.

Die vraag is nou of die Afrikanerstudent iets kan doen om die Afrikanerarbeider te wen vir ons ideaal van 'n volksbeweging. In die volksbeweging wat die A.N.S. voor oë het, is 'n man se stand of werkring nie die eerste oorweging nie. Volkswaardes, soos die Afrikanerskap wat elke ware volkslid besit, afgesien van die soort werk wat hy doen, gee in hierdie geval die deurslag. Die volksbeweging sal dus student en werker saambring, nie net in 'n stryd vir ekonomiese waardes nie, maar vir al daardie beginsels wat die Afrikanerdom as selfstandige volk bely.

Die A.N.S. wil begin om hierdie nouer aaneenskakeling tussen die werkende Afrikaner en student in die praktyk ten uitvoer te bring op sy a.s. kongres in Johannesburg. Op hierdie student-werker-kongres sal daar geen hooggeleerde toesprake deur dié of daardie „teoretikus” afgesteek word nie. Die persone wat voor die student gaan optree, gaan werkers wees. Werkers uit verteenwoordigende bedrywe, soos die spoorweë, tremdiens, staalwerke, klerefabrieke, myne, ingenieursbedrywe, ens., sal die verskillende aspekte van die werkersbestaan uiteensit. Ook sal die student wat die kongres bywoon die kans hê om die werkplekke te besoek, o.a. fabrieke, kasernes, en mynsgagte. Ook sal behuisings toestande, soos die agterbuurtstreek by Vrededorp, ondersoek word.

Die tyd het aangebreek dat ons dus nie slegs die „teorie” van die volksbeweging en volkstaat moet navors en uiteensit nie. As Afrikanerstudente pas dit ons om ook in die praktyk die Afrikanerwerker se probleme te leer ken. Laat ons 'n voorbeeld neem van die Kommunistiese agitators. Hier is mense wat nie net heeldag rondloop met die Kommunistiese teorie van Marx, Lenin, Sta-

Die Oorlog
DIE OORLOG EN DIE EMPIRE
„De Waereldgeschiedenis is 't Waereldgericht, Vergelding, de wet der Historie.”
 — Ten Kate.

Die Dominiale Eerste Ministers saam met verteenwoordigers van Brittanje, Indië en Suid-Rhodesië sal eersdaags, op 1 Mei, konferensie hou in Engeland. Dit sal sedert die uitbreek van die oorlog die eerste konferensie van sy soort wees. Oor die agenda wat op hierdie konferensie behandel gaan word, is ons maar sleg ingelig. Ons eie Premier het nie juis sy eie volk in sy vertroue geneem nie. Ons moet dus maar raai wat die agenda gaan wees. Op grond van Britse en Dominiale staatsmanne se uitlatings wat gedurende die afge-

verwys is as na die Verenigde State van Amerika nie. Geen onderwerp is in die debat so prominent op die voorgrond gestel as „nywerheidsstrategie”, „ekonomiese uitbreiding” en „nalogiese handel” binne die Ryk nie. Volgens die indiene van die mosie „sal ons (die Britte) na die oorlog natuurlik 'n arm land wees; ons lot sal natuurlik benard wees; natuurlik sal die lewenstandaard van ons volk verlaag wees; natuurlik sal ons 'n vierderangse ekonomiese maatskappij word — ten sy ons behoorlike stappe doen om di-

Deur Prof. J. A. Wiid

lope maande wêreldkundig gemaak is, is ons egter vandag in die posisie om taamlik reg te raai.

Lesers sal onthou dat lord Halifax en veldm. Smuts enige maande gelede opspraakwekkende redevoerings oor toekomstige Empire-eenheid en Empire-samewerking gehou het. Die algemene strekking van hierdie toesprake was dat Brittanje teenoor sy magtige bondgenote, die Verenigde State van Amerika en Rusland, 'n ondergeskikte posisie sal inneem tensy die Britse ryk in 'n hegte eenheid saamgesnoer word. Vandaar dat hierdie twee staatsmanne nie dominiale outonomie volgens die letter en die gees van die Westminster-statuut op die voorgrond gestel het nie maar wel Dominiale ondergeskiktheid en Empire-eenheid beklemtoon het. Lesers sal ook onthou dat Mackenzie King, die Kanadese Eerste Minister en mede-stryder van genl. Hertzog vir Dominiale outonomie, hom beslis teen die Empire-beleid van Halifax en Smuts uitgelaat het. Volgens die Londense korrespondent van „The Cape Argus” lyk dit of Mackenzie King 'n ondersteuner in John Curtin, die Australiese Eerste Minister, gekry het.

alles te voorkom”. Die „stappe” wa Shinwell en die Britse parlement in die oog het, is 'n soort van geslote Rykshuishouding omring deur beskermende en voorkeur-tarifemure wat veral vir Brittanje maar ook die Ryk as geheel ten goede sal kom. Shinwell laat dit kat uit die sak as hy verklaar: „Die Verenigde State het in die oorlog sy bronne verbasend ontwikkel en na die oorlog sal sy probleem wees hoe om van die surplus-produkte ontslae te raak. Daar is 'n seksie in die Verenigde State wat met elke afsonderlike dominium ooreenkomste wil aangaan. Vir Brittanje sal dit rampspoedige wees”.

Empire-debatte in Britse Parlement

Anders as in Suid-Afrika het daar op die vooraand van die Empire-konferensie 'n breedvoerige debat oor die toekomstige Empire-samewerking in die Britse parlement plaasgevind. Die vraag wat hom al dadelik voordoen, is of die besprekings in die Britse parlement plaasgevind het met die doel om 'n atmosfeer vir die aanstaande konferensie te skep. Daar is in elk geval 'n mosie deur die arbeider-lid Shinwell ingedien waarin gevra word dat Brittanje alles in sy vermoë sal doen om, deur noue samewerking met die dominiums, 'n „eenheid van doel en sentiment” in tyd van vrede te bewaar. Hierdie mosie is deur die Britse regering aanvaar.

Wanhoopsdaad of Bluf of albei?

Dit is duidelik dat Dominiale selfbeskikkingsreg en die Westminster-statuut iets van die verlede sal wees as daar volgens die letter en gees van die Shinwellse mosie gehandel kan word. Dit is egter moontlik dat op hier met 'n wanhoopsdaad of bluf of albei te doen het. Geo-polities gesien sal die weer-opstanding van die neëntiende-eeuse Britse ryk nie so eenvoudig wees nie. Met „sentiment” kan baie uitgerig word, maar in die nugter Angel-Saksiese sakewêreld nie alles nie. Die uurwerk van die geskiedenis kan nie deur 'n parlementêre mosie terug gestel word nie. Nie alleen sal die Britse dominium van Kanada, wat ekonomies en ook andersins reeds eng by die Verenigde State ingeskakel is, 'n woordjie te voer het nie, maar self Australië wat tydens die huidige oorlog nie deur 'n Britse generaal en Britse strydmagte nie, maar deur 'n Amerikaanse generaal en Amerikaanse strydmagte beskerm word, sal iets te sê het. Dit is egter veral die reaksie van Uncle Sam op die Shinwellse mosie waarop gelet behoort te word. Amerikaanse het na die eerste wêreldoorlog reeds daarop aanspraak gemaak dat hulle die oorlog gewen het. Dit is moontlik dat hulle na die tweede wêreldoorlog met meer reg 'n soortgelyke aanspraak kan maak. So 'n bondgenoot wat nie oorlogvoerend geword het om die Britse ryk te red nie en wat buitendien oor „the ships, the money, and the men” beskik, laat hom nie maklik, selfs nie uit die handel van die Britse ryk, uitskakel nie.

Die debat wat op hierdie Shinwellse mosie gevolg het, is uiters interessant. Ten spyte van al die maanskyn en roseguur wat gewoonlik 'n deel van 'n dergelyke debat uitmaak is dit duidelik dat die ophandesynde Rykskonferensie nie met die huidige oorlog in verband staan nie maar met die ekonomiese oorlog wat op die vrede sal volg. Die vyand in hierdie ekonomiese oorlog is nie die militêre vyande van vandag nie, maar die vernaamste bondgenoot van vandag. Natuurlik word dit alles nie in soveel woorde gesê nie. 'n Feit is dit egter dat in die debat na geen ander vreemde maatskappij so dikwels

lin e.d.m. nie. Die Kommunist verenselwig hom met die alledaagse wel en wee van die werker. Daarom dat vakunies reeds so sterk in hul lande is. Dit is slegs deur hierdie taktiek van Afrikanerkant tot 'n baie hoër mate toe te pas, dat ons nie net die werker sal kan bereik nie, maar ook sal kan wen vir ons standpunt. Dit sal 'n geweldige voorwaartse stap vir ons Volksbeweginggedagte beteken.

PREEKBEURTE

Moederkerk:
 10.30 v.m.: Ds. Louw.
 7 n.m.: Ds. Louw.
Nuwekerk:
 10.30 v.m.: Ds. Hanekom.
 7 n.m.: Ds. Hanekom.

CALV. STUDIE-VER.

Datum: Maandagaand 8 Mei 8-uur
Plek: Ou Leeskamer.
Tema: „Lewenswaardering.”
Spreek: Mnr. F.A. Kock.

Alle belangstellendes hartlik welkom

NUWE BENOEMINGS AAN ONS UNIVERSITEIT

Die Matie wens die volgende oud-Maties van harte geluk met hulle benoeming op die personeel van die Alma-Mater en roep hulle 'n warme welkom toe:

(1) Dr. G. J. R. Krige wat wyle prof. D. F. du Toit opvolg as professor in Fisiese Skeikunde. Dr. Krige het die graad M.Sc. in 1919 hier behaal, en daarna die graad Ph.D. aan die Universiteit van Göttingen. Voor sy benoeming as lektor alhier was dr. Krige lektor aan Wits.

(2) Mnr. A. B. van der Merwe, M.A. wat benoem is tot senior lektor in Sielkunde, in die plek van dr. K. W. Heese. Mnr. Van der Merwe het die graad M.A. alhier in 1938 behaal met cum laude en hoop om aan die einde van hierdie jaar die kursus in Medisyne aan die Universiteit van Kaapstad te voltooi.

(3) Mej. H. A. Lubbe, B.Ed. Ph. wat as lektrise in Liggaamsopvoeding aangestel is. Na die verkryging van haar graad in 1942 was mej. Lubbe werksaam in die opleidingskool, Dennoord, alhier.

Ook verwelkom ons mnr. C. L. Olen, M.Sc. (Wits.) wat as senior lektor in Elektriese Ingenieurswese aangestel is.

(Wits is nou baie goed verteenwoordig in ons Fakulteit van Ingenieurswese, nl. deur prof. Straszacker, prof. Heydorn, dr. Roux, mnr. Sippel, mnr. Steenkamp, en mnr. Olen).

INTERDEBAT TEEN O.K.P.

Wanneer? Vanaand om 7.30.
 Waar? Huishoudkundesaal.

Onderwerp: Godsdiensonderrig behoort 'n verpligte leervak in die skoolleerplan te wees, en eksamen behoort daarin afgeneem te word.
 Sprekers vir U.S.: Danie Moolman, mej. Beetge en Nic Treurnicht.

Kom luister hoe die Matie-redenaars die teenstanders opkeil!

„ARMS AND THE MAN”

— Bernard Shaw —

Mej. Joyce Burch stel voor die studente van die Spreekkuns afdeling van die Konservatorium vir Musiek, en ander Universiteitsstudente, in „Arms and the Man,” van Bernard Shaw, op Vrydag- en Saterdag, 5 en 6 Mei.

Die spel is vol geestige insidente en bied gulde geleentheid aan studente wat nog nie voorheen op die planke verskyn het nie, om hulle talent te wys. Kostume uit hierdie tydperk is deur die studente van die Spreekkuns-afdeling self vervaardig, en egte uniforms is goedgunstiglik geleen deur die Kaapse Universiteit.

Die spel word opgevoer onder beskerming van die Vroue Vereniging, 'n liggaam wat reeds veel onderneem het ter styging van studentefonds.

Marguerite E. de Villiers,
 Konservatorium vir Musiek.

„Die Filosofiese Palet”

Saterdag, 20 Mei, word in die stadsaal 'n vertoning gelewer van die Margaret Morris Beweging in die vorm van 'n musiekspel.

Elke toneel in die opvoering, voorgedra in verskillende kleure, simboliseer een of ander hoedanigheid van die perfekte vrou. So b.v. opgewektheid, blydskap, liggaamshouding, soepelheid, grasia, wakkerheid en helder dinkvermoë en ten slotte haar vermoë om haar lewens-individualiteit te vertolk. Maar bo alles om die skoonheid van gesondheid en 'n aantreklike persoonlikheid wat onafhanklik is van mooi gelaatstrekke te behaal.

Daar sal 25 deelnemers van verskillende ouderdomme wees.
 Die Fondse gaan vir die Langenhoven-Gedenksaalfonds.

Plekbespreking by die C.S.V.-Boekhandel.

HUIS-DE-VILLIERS

Rendezvous Internationale

Verteenwoordigers van baie verskillende nasies het die Conservatoriumsaal Saterdag, hul tuiste gemaak. Diegene wat daarin geslaag het om 'n weg te baan deur die mense het die alombekende skoonheidssalon „Madame du Barry” besoek, of na die uitlê van hulle toekoms geluister, of aan een van die baie kompetities deelgeneem. Van nege uur af het daar lewe in die danssaal gekom. Diegene wat verfrissing gesoek het, is by die windmeule deur vriendelike Hollandertjies bedien of het na die romantiese kafee gedaal. Die beste aanbeveling was die feit dat elkeen die afsluit van die aand so ver moontlik wou uitstel.

Studente Beseer in Gimnastiekoefeninge

H. Labuschagne, die welbekende U.S. bokskampioen, is Dinsdag vry ernstig aan sy nek en rug beseer toe hy op die rekstok gegly en op sy kop te lande gekom het. Hy verkeer tans in die hospitaal.

Dinsdag is ook in die stoeiklas 'n stoeier vry ernstig aan die arm beseer, nl. J. de Witt, van Dagbreek. De Witt moes ook na die hospitaal vervoer word, waar ook hy goed vorder.

Prof. Schumann as Adviseur

Prof. C. G. W. Schumann is benoem tot ekonomiese adviseur in verband met die ondersoek wat die Raad van Handel en Nywerheid instel na die nywerheid in Suid-Afrika. Prof. Schumann bly as professor aan ons Universiteit, maar sal gedurende die tweede semester enkele weke nie sy klasse waarneem nie, aangesien die ondersoek hom sal verplig om na Durban te gaan.

MUSIEKVERENIGING

Jammer, hoor!

Aangesien al die bruikbare radiogramme van die Konservatorium op die oomblik buite orde is, (hulle word egter op die oomblik herstel) sal vir die volgende paar weke geen programme op Sondaggeleer word nie. Sodra dit egter die Musiekvereniging geluk om enige uitvoering te reel, sal kennis daarvan gegee word. Sodra die radiogram in die Konservatorium herstel is, en die programme weer 'n gereelde aanvang neem, sal dit by verskillende koshuise afgekondig word, as daar nie geleentheid is om dit in Die Matie te plaas nie.

M. E. J.

Mej. Stephanie Marais van Huis-de-Villiers het Dinsdagmiddag haar verjaardag met 'n klompie vriendinne gevier. Onder hulle was op te merk mejj. Truida Maree, Anna Taljard en Diedie Bergmann.

Mnr. Pickard van Blerck wat 'n geruime tyd weens 'n kniebesering van die veld was, het gedurende die week weer begin deelneem aan oefeninge.

VERLOOR

Langwerpige, chroom Rotano damespolshorlosie verloor tussen Nuwe- en Moederkerk. Sal vinder asb. in verbinding tree met Mej. Coetzee, Crozierhuis.

Vanaand en Moreaand

om 8 uur

“Arms and the Man”

in die

Konservatoriumsaal

Toegang: Publiek 3/- Studente 2/-

WEET U?

U weet seker hoe swaar dit soms is om geldjies te kry vir die ditjies en datjies?

Sorg dat u toekoms nie, ná 'n suksesvolle Universiteitsloopbaan, deur gebrek aan geldelike vermoë belemmer word nie. Jong professionele manne en vroue weet dat hulle sal miskien lank moet wag voordat hulle 'n winsgewende betrekking sal kan opbou. Dokters of prokureurs moet 'n praktyk of vennootskap koop. Die maklikste en beste manier om u planne te bewerkstellig is om nou te spaar en u besparings in UNIELENINGSERTIFIKATE te belê.

Koop hulle deur middel van Negepennie Spaarseëls, of vir kontant, by enige Poskantoor.

Maties!

Maak ons u APTEKERS en wees verseker van ons beste AFRIKANER DIENSTE.

DIE

Voortrekker-Aptek
 Andringastraat, Stellenbosch

Goeie Raad!

Daar kom 'n tyd in die lewe van elke mens dat hy iets netjies wil laat druk, al is dit net.....

- * 'n Visitekaartjie
- * 'n Sirkulêr
- * 'n Program
- * 'n Bloemlesing
- * 'n Geleerde Dissertasie

of wat ook. Kom reguit na ons. Onr raad is vry—ons werk word gewaarborg.

Ons hele Staf is tot u diens!

Pro Ecclesia-Drukkery
 Pastoriestraat, Stellenbosch.

Maties!

Die Victoria Katee

Vir

- * Vars Vrugte
 - * Smaaklike Lekkers
 - * Vriendelike Bediening
- Mnr. MALZER

Onthou Die Biljart Salon

Foon 94 Santy se Bottelstoor

En probeer ons groot verskeidenheid Soetwyne en keurige Aptyt-drinkies

Dames raadpleeg

TANT MITA

voor u materiaal koop en Bespaar!

Deftige Tabberds, Jasse en Baadjies.

Recreationsgebou,
 PLEINSTRAAT.

MATIES!!!

DE CLERK

DIE DROOGSKOONMAKER

Verseker U van vertroubare dienste.

Birdstraat 79, — Stellenbosch.

Die C.S.V.-BOEKHANDEL

kan u naas u

Voorgeskrewe Boeke

en Skryfbehoeftes ook voorsien met

Leerartikels

van alle soorte.

Groot verskeidenheid van Afdrukke van Skilderye

en ander prente ook in voorraad.

Die C.S.V. - Boekhandel

Sportmanne In Die Nuus

George Patching. †

Die gevierde Springbok-naelopper, George Patching, is 'n paar weke gelede in Johannesburg oorlede.

Patching was 'n veelsydige atleet, wat veral in die 100, 220 en 440 tree uitblink het. Hy het op sy dag baie Suid-Afrikaanse atletiekkampioenskappe verower, en is in 1912 gekies vir die span wat ons land op die Olimpiese Spele in Stockholm sou verteenwoordig. In hierdie jaar het hy groot roem verwerf in die buiteland.

Op die Britse kampioenskappe in Londen, waaraan die Springbokke ook deelgeneem het, het hy die 100 tree in 9.7 sek. gewen, en daardeur 'n nuwe Britse rekord geskep. Sy vertonings oor die 220 en 440 tree was ook so uitstekend dat die Harvey Memorial-beker, wat jaarliks aan die beste atleet van die byeenkoms uitgelooft word, aan hom toegeken is.

Hy het inderdaad so 'n gunstige indruk gemaak dat daar van hom verwag is dat hy, net soos sy kranige voorganger, Reggie Walker, die Olimpiese 100 meter vir Suid-Afrika sou verower.

Hierdie eer het Patching egter nie te beurt geval nie. Hy het wel in Stockholm aan die eindwedloop oor die 100 meter deelgenem, (nadat hy pragtig in die uitdunne vertoon het), maar hier het sy vyf Amerikaanse teenstanders hom uitoorlê.

Die wedloop was merkwaardig omdat dit soveel moeilikheids met die wegspring gelewer het. Patching het altyd blitsvinnig afgesit, en die Amerikaners was dus vasberade om te verhoed dat hy in hierdie afdeling 'n voorsprong op hulle sou kry. Daarom het hulle hom probeer uitput deur beurtelings voor die skoot weg te spring. Dit het 'n hele paar keer gebeur. Die uiteindelijke wenner was J. Craig met 10.8 sek., en aan Patch-

ATLETIEK Inter-Univ. Botsing

Nadat Coetzenburg vanjaar die toeneel van menige skouspelagtige atletiekbyeenkoms was, word die seisoen môre met nog 'n eersterangse byeenkoms afgesluit. Atletiekgeesdriftiges sal weer die geleentheid hê om puik atletiek te aanskou wanneer U.S., P.U.K., U. Pretoria en die Potchefstroomse Onderwyskollege in 'n inter-universitêre botsing teen mekaar te staan kom. 'n Span van U.K., bestaande uit vyf atlete neem ook deel. Ikeys kon nie 'n volle span op die been bring nie omdat dit nou vakansie is. Die atlete sal om die Volkskastrofee (mans) en Dippenaar en Reineke-beker (dames) meeding.

Dit lyk of Pretoria se kans om vanjaar weer die hoogste plek op die telbord in te neem besonder rooskleurig is, ten spyte daarvan dat U.K. en U.S. hulle ook terdeë sal laat geld. Pretoria beskik oor 'n meer gebalanseerde span. In die naellope sal elke tree taai beveg word, aangesien Kempen en Leslie Allen (U.S.), H. de Beer (U.P.) en F. W. Ras (P.U.K.) almal uitmuntende atlete oor die distansie is. Hier kan net gemeld word dat Ras vanjaar al die 100 tree in 9.9 sek. afgelê het. Hoewel hy miskien moeilik sal kry om dieselfde prestasie hier te herhaal, sal die P.U.K.ner tog as die gunsteling op die baan gaan. Oor die 220 tree is Ras egter nie so 'n moeilike man nie, en hier sal Danie Joubert waarskynlik die lint eerste breek.

In die kwartmyl sal die eerste plek tussen D. Joubert (U.K.), A. du Toit (U.P.), Hennie van Heerden (U.S.) en A. Allen (U.S.) uitgespook word. Alhoewel die Ikey se gereelde tyd (50 sek.) ver bokant die vertonings van die ander atlete uitstaan, verwag ons dat hy môre goed opgekeil sal word deur die ander deelnemers aangesien hy op die oomblik nie in die beste afrigting verkeer nie.

Waar U. K. bepaald behoort te seëvier is in die middellafstande. Hier

ing is die vierde plek toegeken — hoewel baie mense gemeen het dat hy derde gekom het. Hy het later self verklaar dat hy 'n goeie kans gehad het om te wen as dit nie vir die wegspringoortredings was nie.

Patching se beste tyd oor die 100 tree in Suid-Afrika was 9.4 sek., wat gelyk staan aan die huidige wêreldrekord. Dit was waarskynlik die vinnigste naelloop van sy tyd, hoewel dit nooit as rekord erken is nie.

Patching was een van die grootste figure in die Suid-Afrikaanse atletiekwêreld en sy nagedagtenis sal altyd voortleef in atletiekkringe.

G. E. HENDRIKSZ
se viswinkel vir
VARS GEBAKTE VIS,
AARTAPPELREPIES,
SOUTVIS en KIPPERS.

AMATEUR-STOEITOER-NOOI

Die U.S. stoeispan tree môreand op teen 'n W.P. keurspan. Verder sal daar 'n paar gevegte plaasvind tussen die beste stoeiers van die res van die U.S. klub. Die hele program sal uit ongeveer 14 gevegte bestaan.

Die toernooi sal in alle opsigte die moeite werd wees om te sien, want van die beste stoeiers van W.P. sal optree. In die W.P.-span is daar manne soos Ueckermann (W.P. veergewig-kampioen), Christowitz (W.P. liggewig-kampioen) en Rubin en Kallis, albei sterk aanspraakmakers in die middelgewig. Aan ons kant is daar o.a. Maas (ligswaarkampioen), Jooste (middelgewig-kampioen) en Marinus. Alle gevegte belooft dus om baie aanskoulik te wees.

Die fondse gaan ten behoeve van die Fakulteit van Ingenieurswese.

beskik hulle oor atlete soos Tinkie Heyns en D. Raath wat op die oomblik van die beste deelnemers in die land is. 'n Uitstekende tyd behoort aangeteken te word, wie ook al wen, want Groenewald en Roux sal die pas beslis baie warm maak. Dit mag miskien wees dat Groenewald met 'n verrassing in die een myl te voorskyn kom en die ander die hakke toon. In die twee myl wedloop is daar maar min hoop vir die ander atlete om vir J. C. Pretorius (U.P.) uit te stof. Dit lyk of Pretorius op die oomblik so reg-reg op sy stukke is, aangesien hy onlangs 'n nuwe klubrekord vir U.P. daargestel het op 9 m. 58.2 sek. en dit is dus nie onmoontlik dat hierdie bekende S.A. langafstandhardloper binne die bereik van W. Green se S.A. Universiteitsrekord mag kom wat hy in 1939 gestel het op 9 m. 44.6 sek. (Dit is ook die S.A. rekord).

In die 120 tree hekkies sal Ben le Roux (U.K.) seker die toon aangee maar in die 220 tree hekkies behoort Tukker Vorster (U.P.) die louere in te oes., alhoewel hy sal vind dat Callie van der Merwe gladnie so 'n maklike man is om af te skud nie. Beide Vorster en Van der Merwe se beste tyd vir die nommer is 25 sek., wat net .2 sek onder G. Davis se S.A. Universiteitsrekord is.

In die veldnommers verwag ons oorwinnings vir U.S. in die gewigstoot en paalspring en miskien in die verspring. Japie Krige, die bekende Matie- en W.P. spiesgooikampioen, tree op die oomblik vir U.P. op en behoort te sorg vir 'n oorwinning vir sy span. Ook in die diskus sal atlete soos Chris du Toit, oud-Dalrymplekampioen en tans van Ikeys, Reyne-

HENDRIKSZ
die slagter, spesialiseer in
WORS en VLEIS
vir
BRAAIVLEISAANDE.
Andringastraat, Stellenbosch.

VOETBAL

Sowel die 1-A as die 1-B speel môre weg. Die B-span gaan na Liesbeekpark, terwyl die eerstespan Bellville die hoof bied op Bellville.

Nadat die eerstespan verlede week maar weer met dieselfde lustelose spel voor die dag gekom het, veral die agterlyn, is dit op hierdie stadium maar baie moeilik om iets te waag oor hulle kans môre.

Die Maties se voorspelers het verlede Saterdag teen Maitland ruimskoots hulle regmatige deel gedoen, en twee sulke jong spelers soos Daan Swiegers en Burger het getoon dat daar groot moontlikhede in hulle steek. In die los was die Matievoorspelers woelig en het dikwels die bal so vinnig bemeester dat ten spyte daarvan dat die studente die bal maar taamlik min uit die vaste skrum te sien gekry het, die agterlyn nog dikwels kon beweeg. Maar dit was eenvoudig al wat hulle gedoen het — net beweeg — maar sonder enige planmatige aanval. As ons Intervarsity iets wil uitrig teen Groote Schuur sal die agterhoede definitief moet sorg dat hulle die spel hier opknop en meer met durf speel. Eers wanneer 'n agterhoede so met die voorosse kombineer dat wanneer hulle in besit gestel word, jy enige oomblik iets kan ver wag, kan daar gepraat word van 'n span wat 'n puik kondisie verkeer.

As die Maties môre dus kan regruk behoort hulle vir Amie Gonin en sy makkers sommer goed in toom te hou en mag selfs 'n verdienstelike oorwinning behaal.

ke (U.S.) en Roby Joyce (U.P.) in aksie gesien word. Daar is min tussen Joyce en du Toit te kies. Eersgenoemde het egter die werpskyf al 134 vt. 8½ dm. geslinger wat du Toit se Dalrymple-rekord met 6¼ dm. slaan.

Wat die dames betref lyk dit of U.P. oor die uitblinkers in die baan-nommers beskik, terwyl U.S. oor die krag in die veldtms beskik.

HALDENWANG

HEERLIKE GEBAK—NET
WAT U HART BEGEER

Kom besoek ons winkel in
PLEINSTRAAT
en probeer ons Koek, Tert,
Vleispasteitjies en alles wat
lekker is.

(Foon 135)

HENDRIKZ

Foon 95.

vir

* Elektriese Benodighede
* Radio en alle Elektriese Reparasies
Langs Voortrekker Apteek
ANDRINGASTRAAT

Vir die maak van u volende

○ Paar Sandale
○ Stewels
○ Skoene

BESOEK

LUBBE

die deskundige
schoenmaker en
repareerder

Foon
440

Alfred Blommaert,

(Foon 48 en 176)

Kerkstraat,

STELLENBOSCH.

KRUIDENIERSWARE

- - YSTERWARE - -

- - PRODUKTE - -

Die Winkel vir billike en
spoedige bediening.

Vir **BLAKENDE
GESONDHEID**

drink

HEERLIKE

KWV

DRUIWESAP



Onthou! **K.W.V.**
Eau de Cologne is 'n
besonder aangename
en welriekende parfuum

Hou hierdie kolom dop vir die
volgende paar weke

vir

Tandepasta in Buisies
Universiteits-Truië met lang moue
Minora, Gillette, 7 O'clock en Ever Ready
Lemmetjies per Pakkie
Wolsokkies, Voetbalkouse, ens., ens.

Sien ons nuwe versending Donegal Sportsbaadjies

Gebrs. de Wet (Eiens.) Bpk.

Foon 20.

STELLENBOSCH.

Bus 31.